

Condicionnan General di Guia Comunitario / ORG.aw

Principionan basico

E informacion ofreci riba ORG.aw:

- Tin como meta informa residente di Aruba y profesional mas obhetivamente posibel riba e oferta total riba tereno di salud y cuidado, trabao y entrada, deporte y recreacion, ayudo social y vivienda, arte y cultura, medio ambiente y animal, y trabao di bario
- Ta liber di mensahe politico, religioso, racista, violento o pornografico
- No ta den conflicto cu ley y regulacionnan aplicabel, ni cu standardnan di moralidad generalmente acepta

E principionan basico aki tambe ta aplicabel pa e website(nan) di e proveedor cu tin link cu ORG.aw y cualkier website cu cual tin link desde e paginan aki.

Criterio pa registracion di dato

Dato pa registra y dato registra y e persona/organizacion cu ta ofrece e datonan aki mester cumpli cu e siguiente criterionan:

- E proveedor mester ta estableci na Aruba
- E proveedor mester ofrece servicio cu ta enfoca directamente riba bienestar y desaroyo di Aruba
- E proveedor mester ta registra na Camara di Comercio, o mester tin un documento generalmente valido di su institucion. Den caso di un grupo di accion/iniciativa di bario, e proveedor tin un documento den cual e miembronan y e proposito di e grupo di accion/iniciativa di bario ta aparece
- E proveedor mester opera den un di e areanan menciona den e principionan aki riba
- Organizacionnan comercial cu ta cumpli cu e criterionan menciona aki riba lo por registra den Guia Comunitario. Pa por haci esaki, nan mester por entrega un declaracion encunto nan comportamiento fiscal
- E proveedor ta declara cu e informacion suministra ta corecto y completo, y ta acepta un responsabilidad conhunto pa mantene e informacion exacto y completo

Den caso cu e criterionan aki riba no ta duna claridad, CEDE Aruba ta dicidi riba e registracion.

Uzo di e datonan

E datonan cu ta ser ofreci riba ORG.aw ta dirigi riba uzo pa tur bishitante di ORG.aw. E datonan aki ta libremente disponibel pa re-uzo den aplicacion di tercera persona, cu e condicion cu e obhetivo ta den sentido amplio identico na e proposito di ORG.aw y no tin motibo comercial aden.

Supervision y actualisacion di dato

Periodicamente, organizacionnan cu ta registra riba ORG.aw lo ricibi un peticion pa controla e datonan di e organizacion y si ta necesario cambia esakinan. Ta haci esaki pa sigura e calidad halto (exactitud y confiabilidad) di e datonan riba ORG.aw. Propuesta pa adicon o remocion di dato por ser haci pa tur partido. E decision pa reduci o expande e set di dato ta reserva pa CEDE Aruba.

Responsabilidadnan di CEDE Aruba y partnernan colaborado

Registra o no registra dato den e database di ORG.aw no ta implica un juicio di valor di CEDE Aruba y/o partnernan colaborado encuanto e exactitud di e dato o productonan. CEDE Aruba y/o e partnernan concerni lo trata na sigura cu e informacion duna ta mas actualisa posibel, por ehemplo haciendo e 'editing' final di e datonan suministra. CEDE Aruba y/o e partnernan en cuestion por lo tanto no ta responsabel pa e exactitud di e datonan riba ORG.aw.

Number di 'domain'

E proveedor ta bay di acuerdo cu e creacion di un 'subdomain' individual bao di ORG.aw, siendo esaki su propio web address cu tin un link directo cu e perfil di e organisacion. E web address lo ta manera: <number di compania>.org.aw.

Si e proveedor tin su propio website, e proveedor ta declara cu e ta mantene e website.

Costo pa participa na ORG.aw

Te awor, no lo cobra e proveedornan di dato riba ORG.aw. Despues di evaluacion, dependiendo di e uzo y efectividad, por considera un contribucion anual simbolico, dedica na mantenimiento di e 'Community Guide'. Naturalmente esaki lo wordo comunica na tempo cu bo organisacion.

Acuerdo cu e Condicionnan General

Un peticion pa registracion di datonan di bo organisacion riba ORG.aw ta implica automaticamente cu e proveedor ta di acuerdo cu e Condicionnan aki.